



Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 60. A Doctoribus & Parlamento Regis jussu examinata.

[urn:nbn:de:hbz:466:1-66272](https://nbn-resolving.de/urn:nbn:de:hbz:466:1-66272)

videretur. Fidenter promisit, Aureliam liberatum, Regemque sacro chrysmate Rhemis delibutum iri, suaque verba omni dubio liberavit, dum arcana hucusque nemini præter Regem cognita revelavit. Recordaberis, Domine mi Rex, inquiebat illa, te nupero die, Sanctorum omnium Festo, priusquam sacram sumeres Synaxin, binas a Domino petiisse gratias? „Primo, ut tibi animum, viresque belli gerendi afferret Deus, si legitimus Regni hæres non sis. Secundo, ut potius in caput tuum, quam in subditos tuos iram suam exonerare dignaretur. „

§. LX.

Puella jussu Regis a Doctoribus, & Parlamento examinata.

Hæc secreti revelatio Regem in admissum rationem rapuit, qui Puellam divino afflatam spiritu, veramque illius missio- nem esse, tandem & ipse credidit, atque aliis idem persuadere contendit; quocirca eam primum a suo Consilio, & Doctoribus, postea vero a Parisiensi Parlamento, quod tunc Pictavii versabatur, examinari præcepit. Una omnium erat sententia, Virginem a Deo missam, eique Aureliæ liberationem omnino committendam esse. Equo igitur, armisque, & non nullis copiis instruitur Puella, quarum ta-

Pp 4 men

Secul. XV.

A.C. 1429.

Sæcul. XV. men imperium non ipsi committebatur,
A.C. 1429. sed Rivenæ Marescallo, necnon Aurelianensi Notho, quos quam plurimi Nobiles, belli peritia clarissimi sequebantur. Nolebat ipsa gladium sibi a Rege oblatum acceptare, inquiens: Alius in Ecclesia S. Catharinæ de Ferasylva Turonensis Provinciæ asservatur, quinque crucibus in mucronis lamina, & liliis ex utraque parte signatus; hoc ego Anglos debellabo. Hunc igitur ensem accepit, eumque, licet ingentis ponderis foret, mira tamen dexteritate, perinde ac alium quemvis consuetæ formæ, direxit. Gladius hic ad hodiernum usque diem in sacro thesauro ad S. Dionysium Alumnorum S. Benedicti custoditur.

§. LXI.

Puella cum copiis Bleßam contendit.

His armis instructa Regi valedixit, Bleßamque abiit, ubi copiæ ad liberandam Aureliam convenerant. Scripsit protinus ad Bedfordium, aliosque Anglorum Duces, sine mora Aurelia recederent, nisi vi depelli, atque atrocissimam clamor exponeret. Verum Angli hisce minis non sine risu exceptis, obsidionem acrius urgent. Quapropter Virgo in Bleßæ vicinia comparato ingenti comedatu, selectisque septem armatorum milibus Aurelianensi urbi suppetias ferre decernit.